

Javna ustanova "Dom zdravlja" Travnik

📍 Vezirska 1, 72270 Travnik

☎ Centrala: 030 518 138 | Uprava: 030 509 452 | Fax: 030 511 761

🌐 www.domzdravljatravnik.com | domzdravlja.tr@bih.net.ba



Broj: 05-296/24

Datum: 27.03.2024. godine

FCT d.o.o.

Ulica Petra Rađenovića 12,

78000 Banja Luka

PREDMET: ODGOVOR NA ŽALBU

Na osnovu člana 100.stav (3) , Zakona o javnim nabavkama Bosne i Hercegovine (Službeni glasnik BiH broj: 39/14 i 59/22), a postupajući po žalbi izjavljenoj od strane FCT d.o.o. Ulica Petra Rađenovića 12, 78000 Banja Luka podnesenoj JU „Dom zdravlja“ Travnik, dana 21.03.2024. godine na tendersku dokumentaciju u postupku javne nabavke “Medicinski potrošni material” za koji je objavljeno Obavještenje o javnoj nabavci broj: 1003-1-1-9-3-6/24. godine, direktor JU „Dom zdravlja“ Travnik, dana 25.03.2024. godine, donosi

RJEŠENJE
o usvajanju žalbe

Usvaja se žalba u cjelosti, izjavljena 21.03.2024. od strane FCT d.o.o. Ulica Petra Rađenovića 12, 78000 Banja Luka, zastupan po Željku Višiću, advokatu iz Banja Luke na Tendersku dokumentaciju u postupku javne nabavke „ Medicinski potrošni material” za koji je objavljeno Obavještenje o javnoj nabavci broj: 1003-1-1-9-3-6/24 dana 20.03.2024. godine na Portalu javnih nabavki.

Ovo Rješenje je osnov za preduzimanje radnje ispravljanja od strane Ugovornog organa i izmjenu Tenderske dokumentacije.

Ugovorni organ će o preduzetoj radnji izmjene obavijestiti sve potencijalne učesnike u postupku, te će ovo Rješenje biti objavljeno na web stranici Ugovornog organa.

Rješenje stupa na snagu danom donošenja.

Obrazloženje

Postupak javne nabavke: „ Medicinski potrošni material” Travnik pokrenut je Odlukom o pokretanju broj :05- 181/24 od 18.03.2024.godine.



Javna ustanova "Dom zdravlja" Travnik

📍 Vezirska 1, 72270 Travnik
☎ Centrala: 030 518 138 | Uprava: 030 509 452 | Fax: 030 511 761
🌐 www.domzdravljatravnik.com | domzdravlja.tr@bih.net.ba



Procijenjena vrijednost javne nabavke bez PDV-a je 90.000,00 KM, a postupak se provodi putem otvorenog zahtjeva za dostavu ponuda uz provođenje e-aukcije. Obavještenje o nabavci broj : : 1003-1-1-9-3-6/24 objavljeno je na portalu javnih nabavki 20.03.2024.godine.

JU "Dom zdravlja" dana 25.03.2024. godine zaprimila je žalbu izjavljenu od strane strane FCT d.o.o. Ulica Petra Rađenovića 12, 78000 Banja Luka, zastupan po Željku Višiću, advokatu iz Banja Luke na Tendersku dokumentaciju broj : - evidencijski broj nabavke 19-I/23.

Ugovorni organ JU "Dom zdravlja" konstatuje da je žalba blagovremena, dopuštena i izjavljena od strane ovlaštene osobe.

Žalbeni navod odnosi se na tački iz Nacrta Ugovora o javnoj nabavci član 8. Tenderske dokumentacije, na dio kojim se ugovara da u slučaju kašnjenja u isporuci roba do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti ugovora.

U žalbi je navedeno da Žalilac smatra da je Ugovorni organ postupajući na definisani način nezakonito postupio, budući da je iznos ugovorene kazne previsoko određen, direktno suprotno i zakonskoj zateznoj kamati, te predlaže da Ugovorni organ usvoji žalbu, uredi tendersku dokumentaciju u skladu sa žalbenim navodima, te Žalitelju nadoknadi troškove sastava žalbe u ukupnom iznosu od 658,13 KM uplatom na transakcioni račun Advokata Željka Višića broj 5551000027559317 kod Nove banke d.d. Banja Luka.

Ugovorni organ je žalbu razmotrio, te žalbene navode Žalioca smatra osnovanim. Postupajući po žalbi i djelujući u skladu sa članom 100. stav 3. Zakona o javnim nabavkama donosi Rješenje o usvajanju navedene žalbe u cijelosti i istovremeno preduzima radnju ispravljanja izmjenom Tenderske dokumentacije predmetne nabavke.

Pouka o pravnom lijeku:

Protiv ovog Rješenja se može izjaviti žalba Uredu za razmatranje žalbi (URŽ), putem Ugovornog organa u roku od 10 (deset) dana od dana prijema Rješenja.



DIREKTOR

Prim. mr. Sakib dr Meštrovac
spec. medicine rada

Sakib Meštrovac



ID broj: 4236357980001 ■ PDV broj: 236357980001

Transakcijski broj: 33867022 00028122 Uni Credit Banka ■ MBS 51-05-0016-10